

ЛИСЕНДИ VIII-де КИЗОСЬ

ВЛКСМ-нь Мордовский
обкомть и Саранскийнь
горкомть газетасна.

Адресь: г. Саранск, Советская ул.,
Дом печати, телефон № 0—90.

ЯНВАРТЬ

14-це ШИСТОНЗА
1940 КИЗОНЯ
6 (1658) №

Лисенди ковти 12-ксть.

КОМСОМОЛОНЬ ВАЙГЯЛЬ

ШКОЛАСА КОМСОМОЛТЬ РАБОТАНЦТЫ БОЕВОЙ ПРОГРАММА

Большевистский партия XVIII исторический съездонза Молотов ялгась эсь докладсонза корхтась: „Сась пинге, мзярда инь важнайкс минь инголенк ащи воспитательный характеронь задачась, трудящий коммунистический воспитаниянь задачась.“ Государственной важностень тя задачат пашкодемаса оцю роль канни советский школась.

Школась должен воспитывать сембе ширде образованной, культурной, стойкой большевикт, коммунистический партияти преданной ломатть, социалистический родинати вернай цюрот и стирхть.

Партиясь оказал оцю доверия советский од ломаттнеди. ВКП(б)-нь XVIII съездсь макссь прават передовой советский од ломаттнеди, конатнеди топодсь кемгафксува кизот, сувамс партиять рядонзонды, каннемс большевикок почетнай лемть. Сембось тя путни оцю обязанность советский школать лангс. Касыкс поколенияти большевистский чертань воспитания, од ломаттнень воляснон закалкаса большевистский партиять рядонзонды советский од ломанть анокламаса пяк оцю роль кирди школась.

Школать, кода коммунистический воспитаниянь важнейшая орудиять значенияц касомац веши Ленинско-Сталинский комсомолть ширде оцю требованят. Школаса у ч а щ а й х н е н ь отличный успеваемостьснон и дисциплинаснон кемокстамаснон колга забортась ащи главнайкс школьной комсомольский организациятнень деятельностьсост.

ВЛКСМ-нь ЦК-ть X пленумон лифтезень школьной комсомольский организациятнень работаса уликс аф сатыкснень и путсь синь лангзост ответственной задача—вникать школать эряфонцы, эрь шиня интересовандакшнемс сонь работанц мархта.

Пленумть материалонзон эса азф аф сатыксне мушендыхть васта и Мордовский комсомольский организациясозок. Мордовский комсомольский организациясь аф сатомшка занимаандакшн школатнень эса комсомольский работать мархта. Тя няеви тоста, што вльне ВЛКСМ-нь Саранскийнь горкомсь тачимс ащесь ширеса школатнень эзда. Аньцек мекольден пингть эзда прймасть кой-кода мерат школаса комсомольский работать цебярьгафтоманц инкса. ВЛКСМ-нь горкомть школань отделонц работниконза Грачева и Ерофеева ялгатне сян вастс, штоба школаса комсомольский организациятнень мяльснон шарфтомс эсь основной задачаснон пашкодемаснонды—отличнайста и цебярьста тонафнемать инкса, дисциплинировать кемокстаманц инкса тюрематисинь

занимадондакшнихть второстепенной важностень тевфень мархта.

А эряви азомс, што Саранск ошса школатнень эса успеваемость мархта тевсь ащи аф благополучнайста. 12-це № средний школаса омбоце четвертьста успеваемость 76 процент, а комсомолецнень успеваемостьна тяка жа четверть пингста 73,5 процент. 189 комсомолецнень эзда 44 комсомолецсь тонафнихть калдывста.

Тяка жа школаса ульсть случайхть, мзярда комсомолецне учительхненди относились хулигански, ащезь пашкотыкшне синь заданияснон (Головочесов и лият).

Ковылкинский районца кой-кона комсомольский организациятне юмафтозь ответственностьснон школаса учебно воспитательной работать цебярьгафтоманц инкса. Нльне йотасть ся фактть вакса, мзярда районца школьной возрастса 62 идь апак фактть всеобучса. Особенна калдывста занимадондакшнень всеобучса итнень фатямаснон колга Чепурновкань и Од Дракинкань комсомольский организациятне.

ВЛКСМ-нь ЦК-ть X пленумон мархта комсомольский организациятнень инголи путф задачат пашкодемаса оцю лезкс должетт максемс пионерский организациятне, конат ащихть комсомолти активнай помощникос. ВЛКСМ-нь лама райкомт пионерский работать шириваныхть суронь пачк. Аф заботендайхть сян инкса, штоба эрь пионерский организацияти максомс педагогически образованной пионервожатайхть. Тяфта ащи тевсь Сире-Шайговань районца. Сире-Шайговань средний школань кой-кона учительхне лувондсась второстепеннайкс пионерхнень йоткса воспитательной работать вятманц, отказакшнихть отрядса пионервожатайкс работамать эзда. Тяфтамса жа положениясь пионерхнень йоткса работань тевсь ащи Ельниковский районца.

Пленумсь тяфта жа шарфтьсь серьезнай мяль идень литературать шири. Но Мордовияса уликс художественно-литературной „Якстерь галстук“ и „Пионеронь вайгяль“ идень журналхне аф отвечакиныхть итнень оцю запросснонды, лисендихть оцю опоздания мархта. Журналхнень редакциясна ащезь тарга журналть эса участияти мордовский писательхнень.


Комсомольский организациятнень задачасна тянийнь пингть ащихть сян эса, штоба пачфтемс эрь комсомолецть и эрь учительть сознанияс ВЛКСМ-нь ЦК-ть X пленумонц материалонзон, и по-большевистски тюремс сян инкса, штоба пашкотыкшнемс партиять мархта комсомолть лангс путф задачатнень.

Ленинградский Военный Округть штабонц оперсводкац

Январь 12-це шистонза Ухтинский и Реболский направлениянень эса ульсть разведчиконь вешендема. Петрозаводский направления пехотнай частень стычат.

Карельский перешейкаса разведчиконь вешендема и артиллерияста шуроста лиендема.

Минь авиациянке тиендсь боевой лиендема разведкаса.



„Сталин изобразительной искусстваса“ Государственной Третьяковской галереяса панжес художественной выставкась.
СНИМКАСА: И. В. Сталинть портретоц. 1939 к. А. Герасимов художникть работац.

Фото-клишес ТАСС-ть.

**СССР-нь Народнай Комиссаронь Советть Председателенцы
В. М. Молотов ялгати болгарский экономический делегациять
председателенц Божилов господинть телеграммац**

**СССР-нь Народнай Комиссаронь Советть
Председателенцы В. М. Молотовти Москву.**

Тирасполь

Ся пингста, мзярда минь кадондаськ Советский Союзть пределонзон, лувондса эстейнь долгокс азомс Тейть нинге весть Болгарский экономический делегациять лемста минь самая сердечнай благодарностеньконь ся ценнай содействия инкса, конац ульсь тейнек няфтьф ССР-нь Союзонь Правительство ширде торгавамать и мореплаваниять колга догово-

ронь и товарооборотть колга соглашениянь тиёмаса переговорхнень эса, конат экономический сотрудничествань ладямать вельде могут аньцек кемокстамс Советский Союзть и Болгариать йоткса дружбать синь народснон благаснон инкса.

БОЖИЛОВ.

Болгарский экономический делегациять председателец, финансонь министрсь.

В. М. Молотов ялгати телеграммац Болгарский экономический делегациять председателенцы Болгариать финансонь министринцы Бажилов господинти

**Болгариянь финансонь министрти Бажиловти.
София**

Пяк признательная Тейть, господин министр, дружественнай приветствиянкса и Тонь ширдет азонф чувстванкса Болгариать и Советский Союзть йоткса тонь активнай участияцень пингста торговой соглашениять успешнайста кемокстаманц инкса. Азондан ке-

ме уверенность, што минь странаньконь йоткса кеме экономический сотрудничествань ладямат кармай службама Болгариать и СССР-ть народонзон дружбаснон и синь благополучияснон кемокстамаса пяк важнай тевти.

Молотов.

Зубово-Полянский районный трудящийся депутат Советов в сессии

Аф кунара Зубово-Полянский районца соцкультурань районный кудса ульсь йотафтф Зубово-Полянский районный трудящийся депутат Советов в сессии. Сессия пажезе депутатс Прибылов ялгась.

Мордовский АССР-нь Конституция коряс сессия ульсь кочкаф 11 ломаньца исполнительный комитет и кемокафт отделх: земельный, финансовый, здравоохранения и ст. тов. Туда башка сессия кулхондозе мандатной комиссия председателем Яшкин

ялгать докладонц. Яшкин ялгась эсь докладсонза азондозе Зубово-Полянский районный Совету выдвинутый депутаттень инкса голосования итокнен. Районца 36 избирательный округень эзга 18983 избиратель эзда голосовалась 18.921 избиратель, лиякс мяргомс 99,7 процент.

Ня итокне няфнесаз Зубово-Полянский районный трудящийся депутаттень инкса странань сембе граждантень партия и правительствати нефтема преданностьсн.

И. Паршин.



Третьяковский Государственной галереяса (Моску) панжевсь „Сталин и сталинский эпохань ломатне“ художественной выставксы.

СНИМКАСА: В. И. Ленин портретоц. Васильев художник работат. ТАСС-ть фото-клишец.

Владимир Ильич одкс пингоц

I

Ямщикне ускозь свежай почтат.

— Кашкадамовати — сьорма Санкт-Петербурга! — ивадсь вестовойсь.

Вера Васильевна лиссь крепленциянь лангс, седице сонь стакаста люпштась. Сьорма столицаста — мес тяфта! Трнаты кядензон мархта, валомня тарксемок ваймонц, сязезе учительница сьормат конвертонц, конач сьорматфоль сонь петербургский приятельница Песковская тейнза содаф подчерксона. Вов мезе: Саша Ульянов арестовандаз. Киндинге апак содак Ульянофнень малань радиясна пачфнез тя кулять Симбирск, штоба анокламс омбоце ударти Мария Александровна, конач аныдек спокоендась йотай кизонь несчастья эзда. Боже мой! Эряви тердемс Володять — сон тани семьять главац...

Кашкадамовась меки-васу ласкандсь киякс кувалма эвондфста азондозе прислужницати, кода эряви модемс гимназия и корхтамс Владимир Ульянов мархта, тумс сонь тязя и кода можна сяд курукоца...

Сась Володя. Нямок кельговикс Володять умнай шаманц,

Кашкадамовать седице аф ламода озась. Сон максозе конвертты и саворне мяргсь:

— Эряви арьсемс Володюшка, мезе тиес? — ня валхнен сон азонень тядыкс ласковайста и куваста таргазе ваймонц.

— А вдь тевсь серьезнай, — строгойста варжакст Кашкадамовать лангс Владимир, — может кальдаулемс Сашати...

Фалу веселя, жизнерадостнай Володять тичи сувазь куду и мезевок ашезь корхта. Сон пяк, пяк кельгольхце эсь оцю брадонц. Нинге идькс пингстонза сон сембоса подражал Александрти.

„Мезень колга ба афолезь кизефте Володять, — азонкшнзе Анна Ильинична Ульяновась, — кода мялец нахксемс, моли или аф прогулкас, вай или лофта мархта каямс тейнза ям, — сон аф ответчай сразу, а ваны Сашать лангс. А тонац нарошна курукста аф отвечай, лукавайста ванондомок брадонц лангс. И минь кафонек рахсекшнме сонь лангсонза. Но и рахсематневок ашезь аерфнетя эзда Володять, и сон отвечакшнесь: „кода Саша“.

Мария Александровна мужественная кирнез горять. Аф юмафтомок самообладания, сон пяк курукста кармась срхкама киз.

Кружафтами сталинский заботаса

Зубово-Полянский районный Од Выселка велень Калинин лемса колхозса лама идь мархта колхозницатне Келаскина и Рыбкина колмоце кизось получайхть госу-дарствать ширде лезкс.

— Минь кружафтами сталинский заботаса, — корхтай колхозница Келаскина. — Монь сисем идне, синь сембе шумбрат. Оцю цьоразе аноклай славнай Якстерь армия рядонзонды.

Спасибо, минь учительке и мудрой вожденьке, Сталин ялгась, минь колганк эрь шинь заботацень инкса. Эряк лама кизот народть благас!

В. Общев.

Зубово-Полянский район.



Январьста топодсь 20 кизот Якстерь армия мархта Ростов сьавоманц эзда. СНИМКАСА: Советский Союзонь маршалс Семен Михайлович Буденный. Фото-клишец ТАСС-ть.

М. Исаковский

Катюшась

Панжи лаемсь, маринась и грушась,
Уезь-уй ляйть вельксса туманц.
Лисендсь крута берякти Катюшась,
Лисендсь сери, крута берягть лангс.

Лисендсь — тарксесь седиень лазы мора,
Морась сянди, кинь инкса ризнай,
Конац кучсы седиакстонь сьрмат,
Конац йофсикс седиакстонза аф прай.

Ох, тон мора, стирень кельгома мора,
Лийхть шить мельге, коста стякшни сон,
И боецти, конач эряй тоса,
Кантт Катюшась эзда тон поклон.

Катк сонь ляди мяленцы Катюшась,
Катк сон кульсы, кода морай сон;
Катк сон ванцы ичкоздень границать,
Кода сонцень ванфтса мяльсон мон.

Панчсть ни лаемсь, маринась и грушась,
Туякс кеподсь ляйть вельксса туманц.
Берягть эзда тусь куду Катюшась
И границать шири кельгозь ванц.

Мокшекс йотафтозе С. Леонтьев.

Владимирсь тусь попутчиконь вешендеме. И вдруг кулевсь, што ошса сембе ни содайхть Александрть арестовандаманц колга. Кулять марязе и полициясь. Кивок горожаттень эзда ашезь йора сопутствовать Ульяновати. Сята тов, сята тов крамолать эзда!

Шинь-шишка пушкаста ляцендематень вайгальсна кайгсть улы Симбирскть вельксса. Тя помещикне фкя-фкянь тернест инжикс. Тястонь обичайхнен коряс, синь тернест ялгасон эсь пушкасон эзда ляцемаса. Кда, конач терди эсь ширезонза, то обична отвечакшнест кафта выстрелса. А мзярда и тая тонац аф йорайхть уступить, то ляцендсть мянь сярс, мзярс сатнест порафсна.

Кононадась кайгсь ошть вельксса.

Тядяц тусь.

II

Тя ульсь омбоце ударсь, конач поразил Ульянофнень.

Йотай кизоня, январь 12-це пинстонза, кулос Володять аляц.


Илья Николаевич, народнай училищань директорсь, Симбирскя ульсь виднай педагогический деятелькс. Сон тюрсь народнай шобдашить, рабствань последствиянень каршес, но, кода справедлива корхтай эсь лятфнеманзон эса Н. К. Крупская, сембоса сон ульсь эсь эпоханц цьоракс. Сонь

взглядонза тиевсь Добролюбовь и Некрасовь влияниисн ала. Добролюбовский методса — волянь закалка, идень седиса искренностень воспитания мархта — пестовал Илья Николаевич эсь идензон.

Илья Николаевич вельде ульсь панчф 450 велень школа. Тя скромнай, аф сери, впалый мяште мархта и кели лисинанц лангса равжа шярь, строгой ломанц ульсь пяк энергичнай, трудолюбивай, целеустремленной. Сонь ульсь стака эряфоц. Кальдяв бричкаса сон арнес губерния, удсесь постоялай дворхнен эса, сидеста ащекшнесь вачеда, анцесь трешникт — средство велень школатнень существованиясн, анцесь мироеттнень кядьста, конат ульсь равнодушнайхть народнай образованияти.

Надежда Константиновна Крупская получась кафта кизода инголе пяк интереснай сьорма чувашень учитель эзда — Иван Яковлевич Зайцев эзда. Тя учитель 77 киза ни. Пяле век сон учительствует чувашский школатнень эса. Эсь идькс пингстонза ванондсь сон мацхть. Кулемок Симбирскяса од школат колга, сон мольт тоза кафта шит и Илья Николаевич лезксонц вельде поступиндась школав.

(Полатксоц 3-це страницаса).



Государственный Третьяковский галерея
"Сталин изобразительный искусство"
панжес художественной выставкы.
СНИМКАС: С. Орджоникидзе портрет
1937 кизоня.
Фото-клишес, ТАСС-ть.

Обязательстватне пяхкотьфть

Ковылкинский средний школань педколлективсь и ученикне эсь лангозост сявондсть обязательстват анокламс школаса ВС-нь и ПВХО-нь аф 200 кржа значкист.

Тя почетнай обязательстват педколлективсь и ученикне пяхкотьфть честь мархта. Синь анокласть ПВХО-нь значкиста 180, ЮПВХО-нь—40 и ВС-нь—60 значкист. Тяся цебарьста работай гранатометчиконь кружоксь.

Тяда башка, школаса пяхкотьфть цебарьста ладяф военной тевонь тонафнемась. Военной урокнень эса ученикне няфнесть тонафнемань образецт. Сембе ученикне военрукт кизефксонзонды ответчакшнихть бойкаста и шарьхкодевиаста. Тя дисциплинась ученикненьди арась инь кельговикс.

И учебнай кизоть палец тонафнемаса синь аделазь цебарь результат мархта.

В. Челматкин.

Ковылкинский район.

М. Исаковский

Катюшати ответ

Вармась савор шерфти тишенятнень,
А границав валгондсь шобда весь.
Аф спокойна ащемс тяфтам ветнень,
Врагонь ширесь равжа офтокс стяс.

Тяся аф панжихть маринат и грушат,
Сянкса тяся касыхть чуднай вирьхть.
И боець лац кулхонкшнесазь калхе,
Врагити йотамс тяся китне лирьфть.

Ашинь юкста, кельгомный Катюша,
Кульса кайги мороняцень тонь.
Парста валдопф шинь границать лангса
Родной модать кельгозь ванца мон.

Тяк юкста и кельгомный сянь колга,
Конац сидексть сьормат кучси тейть,
Конац вракнень модазонк аф нолдай,
Конац павазть ванфты шобда веть.

Мокшекс йотафтозь С. Леонтьев, Я. Пинясов.

Цебарь работатъ результатонза

Од Выселка велень средний школань комсомольский организациясь (комитетонь секретарсь Учамбрин ялгась) школань учащайхнень йоткса вяти политиковоспитательнай оцю работа.

Образцовай работась комсомольский организациять рядонзон касомаса няфни тяфтам жа образцовай результатт. Учебнай кизоть васень четвертень пингста комсомольский организациясь ащесь 26 ломаньца, а тини сонь лувксонкассь 43 ломаньца.

Комсомольть рядонза касыхть аныцек отличнайста и цебарьста тонафни ученикнень лувксста. Комсомолу примафт Машкова А., Порватова Ф. и лия дисциплинированной и цебарь ученикне.

Беляев.

Зубово-Полянский район.



„НАША ЗАДАЧА ТЕПЕРЬ,
ЗАДАЧА КАЖДОГО РАБОЧЕГО И КРЕСТЬЯНИНА,
ЗАДАЧА КАЖДОГО СЛУЖАЩЕГО И ИНТЕЛЛИГЕНТА,
Состоит в том, чтобы честно и самоотверженно
трудиться на своем посту и тем оказать
помощь Красной Армии.“

В. Молотов.

Рисункась В. Барковть и В. Лисевичть.

Фото-клишес ТАСС-ть.

Зайцевсь батраконь цюра. Сон ворьгодсь салаване алянц эзда и поздазе занятитненьди. Илья Николаевич ужалъдесе цюранянь.

Зайцевсь азонды Надежда Константиновнати эсь сьормасонза фкя трогательнай случайнь колга, конац тиевсь васенце кизоня школаса сонь тонафнеманц пингста. Макссть „Впечатления сегодняшнего дня“ класснай работа. Зайцевсь решил сьормадомс сембодонга важнайть—математикань урокса Илья Николаевич директорть мархта эсь васедеманц колга. Зайцевсь подробна сьормадозе тя васедемать, нльне сьормадозе ся подробностть, што Илья Николаевич аф ламода ульсь картавай и „гривенник“ валть азондозе: „гривенник“.

Калашников учительть мяльс ащесь ту Зайцевть работац. Сон йордазе шамазонза тетраденц и возмущения мархта мярьгсь: „тува“!

Тя пингста классу сувасть Илья Николаевичсь. Директорсь якась партатнень йоткова, кой-коса лоткес, пачкодсь Зайцевти и няезе сочинениянц, конац лангса ульсь тяштьф Якстерь карандашса крес и отметка. Сон путозе фкя кяденц юношати лафтувонц лангс, а омбоцетъ мархта сявондсь тетраденц. Лувозе и пеедзевсь. А тоса сергялесе учительть и кизефтезе: — Мезенкса то, Василий Анд.

реевич, наградил тя цюранянь якстерь крестонь ордена и пяхкотьфть модамарьса.

Учительсь талмаськадсь и йоразе азондомс, што сочинениясь сон лувозе кой-мезть аф цебаренди начальствующахненьди. Илья Николаевич ащезе када корхтама и мярьгсь.

— Тя сочинениясь—инь цебарьхнень йоткса фкясь. Лувк максфтемасть: „Впечатления сегодняшнего дня“. Учениксь сьормадозе именна сянь, мезсь сонь лангонзонза тись оцю впечатления йотай урокть пингста. Сочинениясь отличнай.

Тяфта относился—справедлива, чутка—Илья Николаевичсь сембонди. И тя чертатъ сон воспатывал эсь идензондывок.

Владимирсь тусь алянц киге: кизода ламос сон занимандакшнесь старшай класса фкя чуваш мархта, конац иляткшнесь рузонь кяльса. Алянц целеустремленностец, правдати сонь кельгомац, оцю трудолюбияц йотастъ цюранцты.

Гимназический кизонзон пингста сонь ульсь тяфтам правилас: васенда тонадомс урокнень, тоса—кярьмодемс лувомати. Экономил пингть. Лувондсь сосредоточенна и сяс эрязста. Тиендсь эстейнза книгатнень эзда выпискат, кирьфнемок эсь лацонза валхнень. Герпеливайста, настойчивайста вырабатывал эстейнза воля.

...Петербургу Мария Александровна тумдонза меле семьють, сонденза йомла брадонзон и саоронзон колга заботать Владимир сявонд эсь лангонзонза.

Тя пингти самс сон ульсь ни кафксонце класса, аделакшнесь гимназиять. Брадонц арестовандаманц колга кулясь тейнза ульсь нежданнайкс.

Йотай кизоть Саша сашендсь Сибирский и занимандакшнесь эсь тевонц мархта—кольчатый сукнень лангса опыть мархта—пирьфса, укромай флигельть эса.

Эста Владимирть мялець сядламане корхнемс эсь старшай брадонц мархта, йорамок содамс сонь мялензон. Но Сашась ульсь сдержаннай, строгой и аф корхтафкшу. Браттнень корхнемасна ульсь мирнай вешнень колга, охотать, калонь кундамать, нармотнень, ичкози прогулкас молемасть колга. Сашась тейнза арамс ульсь физикокс—аф мезькска лиякс. Ваномок сянь лангс, кода Сашась стяхкшнесь пяхкотьфть рана ишобдавакиге капшась сукснень, работась микроскопть мархта, арьсесь сон: „Аш аф лиси брадонзень эзда революционер“.

Тяни сон шарьхкотькшнесь, што сон эльбядсь. Брадонц арестовандаманц тись лама изменениясь сонь эряфсонза. Илякс кайгозевсть тяни тейнза Чернышевский. Сон кармась ламонь крда лувондома „Искрань“

поэттнень, обратился Марксти.

III

Март ковть песта Мария Александровна нолдазь Шлиссельбургский крепостти, штоба няемс Александрть мархта. Оцю драматизмада пяхксе тя сценась содаф. Содаф тяфта жа, што Мария Александровна эняльтькшнесь цюранцты, штоба сон максоль помилованиянь колга прошения.

—Аш кода тейнь тиесм тянь тяда меле, мезе азонь судса,—мужественнайста отвечась Александрсь. —Тя улель ба аф искренна. Александр Ульяновсь примосесь участия Александр III каршес заговорть эса. Царизмать каршес тюреманы кись, конац кочказе сон, ульсь ошибочнайкс и революцияти вреднайкс. Индивидуальной терроронь политикась лисендсь активнай „геройнь“, и пассивнай „толпань“, конац учи „геройхнень“ эзда подвигт, неправильнай народнический геориять эзда.

Ульяновть группац ульсь аф опделеннай килангса. Народноволецнень влияниясна шиста-шискирь. Социал-демократиять идеянза аныцек кенерькшнесь ся од ломаттнень умснень эса, конатненьди принадлежал Александр Ульяновсь.

Майть 8-це шмстонза сонь казендазь. Мария Александровнась

(Полатксоц 4-це страницаса).

Комсомольский субботник

Токмова велеса колхознай комсомольский организационный комсомолецне, лувомок велеса клубть пяк оцю значениянц, йотафтсть комсомольский субботник.

Субботникть задача ульсь—оборудовандамс цебарьста клубть. Синь сьормадсть лозункт, наряжазь партиять и правительствать руководителезон портретсон, нолдасть стенной газета.

Тя тевса оцю активность проя-

вили комсомольский организационный секретарец Мышляков ялгась. Сонь эздонза тяфта жа пример сявондсь комсомолкась Смекалина Анастасия Семеновнась и сембе иляды комсомолецне.

Тяфтама инициативась пяк цебарь и иля комсомольский организационный эряви практиковать тя тевть.

Тремаскин.

Ковылкинский район.

Организовандаф автокружок

Темниковский учительский институтса организовандаф автокружок, кона кружокса тонафнемс азозь мялсон лама студентт и преподавательхть.

Кружокть учебный программанц слушательхне должетт тонадомс 200 частонь пингста. Кружокса занятияне йотнихть пяк живойста. Сембе слушательхне оцю интерес мархта овладають моторть.

Чепанов.



Биологический наукань докторсь, Воронежский Государственный университетонь профессорсь Петр Васильевич Савостинц получась и усовершенствовандась „Азот-бактерин“ препарат. Препаратсь канневи видемста видьмотнень мархта почвати. Бактерияне, пуromoк растениянь корянь, воздуха поглащают азот и тянь мархта обогащают почвату.

Тяни Воронежца и Боренский свекло-совхозса уставась „Азотобактерин“ препаратть тиёмаса заводонь строямась. Завотне тундань видемати аноклахть 20 тьожань гектаронди удобрения.

СНИМКАСА: П. В. Савостинц.

Фотось И. Царловть.

ТАСС-ть Фото-клишец.

Техучебась катф самотекти

Рабочайхнень и работницатнень производственной квалификацион сяда тов касфтоманц инкса фабрикань и заводонь директорхне и профсоюзной организационный фабзавкомтне обязатт тюремс большевикокс.

Однако, Саранск ошень кой-кона промышленной предприятиянь руководителхне рабочайхнень технический образованиясн касфтоманц шири мяльда шарфнихть пяк кржа. Например, Котонийнай фабрикать дирекциянц и фабкомть кальдяв руководстваснон сюнеда фабрикань 697 рабочайть эзда техминимумонь учебаса фатяф анычек 61 ломань и эстовок синь мархтост занятитне йотафневихть йофси аф удовлетворительнайста, формальнойста.

Техминимумода башка фабрикаса ули стандартнай стахановский школа, конань мархта сембоц фатяф фабрикань 43 лучшей произ-

водственник. Но тя школаске работай пяк кальдявста, сонь эсонза успеваемость и посещаемость пяк низкай.

Эряви азомс, што фабрикань ВЛКСМ-нь комитетсь и сонь секретарец Шилов ялгась рабочай ломаттнень производственной квалификацион касфтоманц инкса аф вяти кодамовок работа. Комсомольский комитетсь нльне афи содасы тя тевса действительной положениатьке. Комсомолецнень ламошксна школав аф якайхть, а Опохова, Песков, Облясова и лиятне тяни школать кадозь йофси.

Фабрикань дирекциясь и партийно-комсомольский и профсоюзной организационный работань тя важнейшей участать—рабочайхнень технический образованиясн касфтоманц должетт ладямс образцовайста.

Дм. Родин.

Саранск ош.



Аф эривикс маскировкась.

Фото-клишец ТАСС-ть.

Германский печатсь войнань од очагонь тиёмаса англо-французский блокть тяряфнеманзон колга

„Кельнише цейтунг, германский газетась печатлась статья север ширеса войнань крвьастемаса англо-французский тяряфнематнень колга.

Англиясь и Франциясь, сьормадь газетась, тиендихть вилюпштама Швециять и Норвегиять лангс, старандамок кошардомс синь максомс оцю „лезкс“ Финляндияти.

Каждайти шарьхкодеви, што Финляндиять судьбац не беспокоит Англиять и Франциять, конат тарксемок Швециять и Норвегиять войнати, йорайхть тиёмс вред Германияти.

Англиясь и Франциясь сембе вийса тяряфнихть тиёмс войнань од плацдарма.

Финляндияти „лезксонь“ колга фразатнень эшксса Англиясь и Франциясь тяряфнихть таргамсесь ширезост нейтральной странатнень, конатненди бта, гразяй Германиясь. (ТАСС).

Владимир Ильичть одкс пингоц

сонь казендаманц колга кулять марязе Петербурга уличнай листокть эзда.

Цьоранц юаманц мархта мучендаф, сире авась июнь ковть васень шинзон эзда сась Симбирский. Няг ульсть тревожной шит. Симбирский губернияса палсть целай уезтт. Ульянофнень кудсон мельге ванцть. Александрть казендамацстяфтозе улы ошть. Начальствась йорась кирдемс золотой медальть—заслуженнай наградать максоманц Владимирти, конац пяк цебарьста максозе зрелостень атестатть.

IV.

Мария Александровнась саворста сувасть куду. Сон молись аф вишкста, но сембонди арамс, што тя удивительнай тьождяшись,—отчаяния, сон таргась чемаданцтонза конверт, коста иденза няезь казеннай брадсон профильс, анфасс коря посмертной снимканзон, конат тифтольхть жандармский управленияса.

— Мон диванда, кода цебарьста корхтась судса Сашась, тяфта убедительнайста, тяфта красноречивайста. Мон ашень арьсекшне, што сон машты тяфта корхтама, но тейнь ульсь пяк стака сонь кулхондомац, тейнь ашезь учевсонь реченц пец, сяс и должен улень лисемс залста.

Содаф, што брадонц казендаманц колга тядьянц азондоманцы Владимир Ильич отвечась решительнайста: „Аф, минь аф карма-тама молеме ся киге. Аф тяфтама киге эряви молемс“.

Владимир Ильичсь ульсь потрясеннай брадонц куломанц мархта. Тя несчасться шарфтозень мялензон сонь видеста революцияти. Сон нинге сяда кемоста кярьмодсь Марксть, Чернышевскийть лувомаснонды. Тяка пингоня сон муштендсь эсь эсонза вийхть, штоба тьождялгофтомс тядьянц страданиязон, тиёмс порядка сямьса.

Ульсь решеннай, што синь туйхть Симбирскийста. Сетьме Приволжский ошсь ульсь питни Ульянофненди аляснон и мирдснон колга лятфнемать мархта, славнай педагогть, ровнай трудовой эряфонц сетьме шинзон колга лятфнематнень мархта. Скромай кудсь, конац красендаф охраса; ужесонза фонарь, конацты эрйиляндя сашендсь ламповщик; аф сери крылезонь скобат; доскань забор; цяторды колитка; крылецкять лангса картузик,—сембе тя валдопф юностень трогательнай памятник мархта.

Историясь обессмертил Свияги берягть маласа тя куднять.

Сувад тоза и мярьгат, бта ань-

цек исяк палсть тяса керосиновай лампатне и аф кунара анычек сьолгозь рояльть лакированной лангонц.

Парнятнень и сяканятнень эса залхнень эзда панжихть панчфне, а стенатнень эзда—оцю ваномат; рояльть вельксса клянцек ала ашихть нотат. Мярьгат, вов кайгозеви серый казаняти бабанянь аф удачной кельгоманц колга задумешевнай, аф сиреди морянь, конанц сидеста илятения морсекшнезь Ульянофне. Стенаса од мази авань портрет. Тя—Мария Алесандровна Ульяновась. Рядсок омбоцесь—тяфтама жа шама, анычек цьоранц казендамодонза меле, мирденц и стиренц куломдот меле сиредьфста. И сяка жа лучистой сельмотнень эзда яснай, кеме ванфсь.

А вальмять ала—кели пирьф, сад и ваксаст моли—сире каланча...

Тя кудса аделавсь Владимир Ильичть идькс пингоц, ушедсь юностец.

Прощай, Симбирск! Ошсь, конанц сьормадозе Гончаров,—сембе пинкнень и нароттнень инь гениальной ломаньцон колывелец.

Людвиг Берне знаменитай немецкий публицистсь сьормадсь: „Мирсь куд, конань эса купеада пяк лама комнатанень коряс“. Владимир Ильичсь сувай тя мирти сонь победань сложнай лабиринтонзон и препятствиязон мархта. Сон сувасть сознательнай эряфс. Сон арась

семьяти главакс, аноклакшнесь университетский занятиязонды.

Сонь мялензон мархта завладел Маркс. Ленинт ульсть чуждайхть „герой“ и „толпа“ народнический шарьхкодематне, сон шарьхкотькшнезе террорть бессмысленностенц и арьсесь народникнень колга йофси илякс, чем старшай брадоц.

Несколько кизода тяда инголе русский ломаттне знакомандякшность Марксонь и Энгельсонь „Коммунистический манифестон“ васень переводонзон мархта. Тя переводти предисловияса Маркс и Энгельсь сьрмадсть: „...Россиясь ащи Европаса революционной движениянь передовой отрядкс“.

„Призрак якай Европада, коммунизмать призракоц“—революциянь гениальной вождтнень ня валсна определили Владимир Ильичть миропониманиянц, конанцты сяда мельдень кизотнень пингста эряфонь целькс кармась ашеме Россияса Марксизмать соединенияц рабочай классть мархта.

...Тядяц мизе кудснон. 1887-це кизоня июнь ковста Ульянофне волжский пароходса кадозь Симбирскть. Тяка жа кизоня Владимир Ильичсь молись Казани и поступинадсь Казанский университету.

А. Гиневский.

Ответ. редакторсь Н. ТИШКИН.